

# UMT meterai kerjasama keterjaminan makanan negara

BAH/15.05.23/MSJ3

**Kuala Terengganu:** Universiti Malaysia Terengganu (UMT) mengorak langkah memperkasakan industri perikanan negara menerusi kerjasama dengan dua pemain industri tempatan dan antarabangsa.

UMT melalui Institut Akuakultur Tropika dan Perikanan (AKU-ATROP) memeterai kerjasama itu menerusi majlis menandatangani memorandum persefahaman

dengan Eko Akua ParQ Sdn Bhd (EAP) dan Institut Penyelidikan Perikanan Laut China Selatan, Akademi Sains Perikanan, China (SCFRI) yang berlangsung di Shah Alam sempena penganjuran Pameran Antarabangsa AgTech 2023 baru-baru ini.

## Kembang aktiviti penyelidikan

Pengarah AKUATROP UMT, Prof Dr Mhd Ikhwanuddin Abdullah,

berkata kerjasama itu akan memberi manfaat kepada UMT dalam memastikan keterjaminan makanan negara menerusi usaha mengembangkan aktiviti penyelidikan berkaitan pembangunan induk udang putih dan sistem ternakan tumbesaran tertutup.

“Kerjasama ini juga membuka ruang dan medium terbaik bagi menggalakkan aktiviti penyelidikan. Ia juga adalah ruang pertukaran data dan maklumat dengan SCFRI, China.

“Selain itu EAP juga menawarkan kemudahan tapak penyelidikan kepada AKUATROP untuk aktiviti penyelidikan dan pembangunan yang berkaitan dengan projek itu,” katanya.

Mhd Ikhwanuddin berkata, sistem ternakan tumbesaran tertutup itu akan mengintegrasikan keperluan dan kemudahan ektor perikanan dengan kawalan sistem kecerdasan buatan sepenuhnya. Ia termasuklah dalam urusan operasi ternakan harian hingga pengumpulan data.



Majlis menandatangani memorandum persefahaman UMT, EAP dan SCFRI, baru-baru ini.